

## AUGLÝSING

### um deiliskipulag í Reykjavík - Þróttarsvæði við Holtaveg.

Samkvæmt skipulags- og byggingarlögum samþykkti borgarráð Reykjavíkur 23. júní 1998 deiliskipulag svæðis sem markast af Holtavegi, Sæviðarsundi, Njörvasundi og Sæbraut. Á svæðinu er gert ráð fyrir íbúðarbyggð.

Uppdráttur, greinargerð og skilmálar hafa hlotið þá meðferð sem skipulags- og byggingarlög mæla fyrir um.

Deiliskipulagið öðlast þegar gildi.

*Reykjavík, 26. febrúar 1999.*

**Þorvaldur S. Þorvaldsson** skipulagsstjóri.

## SKIPULAGSSKRÁ

### Fræðslunets Austurlands.

#### 1. gr.

Fræðslunet Austurlands (FNA) er sjálfseignarstofnun, með stjórn, sem stofnuð er af Alþýðusambandi Austurlands, Atvinnuþróunarfélagi Austurlands, Félagi opinberra starfsmanna á Austurlandi, Sambandi sveitarfélaga í Austurlandskjördæmi, Bændaskólanum Hvanneyri – búvísindadeild, Háskóla Íslands, Háskólanum á Akureyri, Kennaraháskóla Íslands, Samvinnuháskólanum Bifröst, Framhaldsskólanum í Austur-Skaftafellssýslu, Menntaskólanum á Egilsstöðum og Verkmenntaskóla Austurlands. Aðrir sem gerast stofnaðilar innan árs frá stofnun sjálfseignarstofnunarinnar teljast einnig til stofnenda. Heimili og varnarþing er á Austurlandi. Stofnunin ein ber ábyrgð á skuldbindingum sínum með öllum eignum sínum. Hún er að öllu leyti sjálfstæð.

#### Stofnfé.

##### 2. gr.

Stofnendur leggja fram stofnframlög til FNA skv. sérstökum samningum, þar sem það á við. Af stofnfé varðveitist á nügildandi verðlagi kr. 500.000 sem óskerðanlegur höfuðstóll.

#### Markmið.

##### 3. gr.

Meginmarkmið Fræðslunets Austurlands er að bæta aðgengi íbúa fjórðungsins að háskólanámi og símenntun og styrkja með því jákvæða byggðapróun. Svo þessi markmið náist mun FNA:

- hlutast til um að boðið verði upp á nám á háskólastigi á Austurlandi, með því að þróa og skipuleggja víðtæk tengsl við aðila er bjóða upp á nám á því stigi og miðla því til almennings og atvinnulífs á Austurlandi,
- stuðla að auknu framboði á Austurlandi á símenntun og fullorðinsfræðslu á öllum stigum menntunar og miðla því til almennings og atvinnulífs í fjórðungnum,
- hafa frumkvæði að því að fylgjast með og nýta bestu fánlegu fjarkennslutækni hverju sinni,
- hafa samstarf við rannsóknastofur á Austurlandi.

## 4. gr.

Háskólastofnanir sem aðild eiga að FNA og framhaldsskólarnir á Austurlandi gera sérstaka þjónustusamninga við Fræðslunet Austurlands.

**Stjórn.**

## 5. gr.

Stjórn Fræðslunets Austurlands fer með æðsta vald þess, mótar stefnu og starfstilhögun þess, vinnur að markmiðum þess skv. 3. gr., setur því starfsreglur og kemur fram fyrir hönd þess, m.a. gagnvart þeim sem veitir því fjárhagslegan stuðning.

Stjórnin hefur heimild til að skipa nefndir um sérstök verkefni. Stjórnin skal kalla stofnaðila saman til fundar árlega. Boða skal fundi með a.m.k. viku fyrirvara.

## 6. gr.

Fræðsluneti Austurlands er stjórnað af 10 manna stjórn sem skipuð er til 4 ára í senn. Starfstímabil stjórnar er bundið kjörtímabili sveitarstjórna. Alþýðusamband Austurlands og Félag opinberra starfsmanna á Austurlandi skipa einn fulltrúa saman í stjórn, Atvinnuþróunarfélag Austurlands tilnefnir einn fulltrúa úr hópi atvinnurekenda, Samband sveitarfélaga í Austurlandskjördæmi tilnefnir einn fulltrúa, Bændaskólinn Hvanneyri og Samvinnuháskólinn Bifröst einn fulltrúa saman, Háskóli Íslands einn fulltrúa, Háskólinn á Akureyri einn fulltrúa, Kennaraháskóli Íslands einn fulltrúa, Framhaldsskólinn í Austur-Skaftafellssýslu einn fulltrúa, Menntaskólinn á Egilsstöðum einn fulltrúa og Verkmenntaskóli Austurlands einn fulltrúa. Varamenn skulu tilnefndir með sama hætti. Stjórnin skipar með sér verkum.

Formanni stjórnar er skylt að boða fund ef a.m.k. 4 stjórnarmanna krefjast þess. Á fundum stjórnar ræður einfaldur meirihluti atkvæða úrslitum. Það sem gerist á fundum stjórnar skal bókað í gerðabók og birt á netinu.

## 7. gr.

Stjórn Fræðslunets Austurlands ræður framkvæmdastjóra fræðslunetsins, sem annast daglegan rekstur og setur honum erindisbréf. Framkvæmdastjóri ber ábyrgð gagnvart stjórn. Framkvæmdastjórinn vinnur að framgangi þeirra mála sem getið er um í 3. grein, svo og því sem stjórnin setur honum fyrir hverju sinni. Framkvæmdastjórinn vinnur að fjáröflun og annast reikningsskil.

Framkvæmdaráð skipa framkvæmdastjóri FNA og einn starfsmaður frá hverjum framhaldsskólanna á Austurlandi. Hlutverk framkvæmdaráðs er m.a. eftirfarandi:

- Vinna að undirbúningi, skipulagningu og samræmingu námsframboðs á Austurlandi, skv. 3. gr. skipulagsskrár.
- Skipuleggja og samræma starfsemi FNA innra starfi framhaldsskólanna á Austurlandi. Framkvæmdaráð getur skipt með sér verkum ef þörf þykir. Framkvæmdastjóri FNA stýrir fundum framkvæmdaráðs.

## 8. gr.

Reikningsár Fræðslunets Austurlands er frá 1. janúar til 31. desember ár hvert.

Framkvæmdastjóri skal árlega í mars leggja eftirfarandi gögn fyrir stjórn FNA til afgreiðslu:

- Skýrslu um starfsemi síðasta árs.
- Endurskoðaðan ársreikning liðins starfsárs. Reikningar skulu endurskoðaðir af lög-giltum endurskoðanda.
- Fjárhagsáætlun fyrir næsta starfsár.

Endurskoðaðir reikningar skulu sendir Ríkisendurskoðun eigi síðar en 30. júní ár hvert fyrir næstliðið ár ásamt skýrslu um hvernig fé stofnunarinnar hefur verið ráðstafað á því ári. Um reikningshald fer að lögum nr. 19/1988 um sjóði og stofnanir sem starfa samkvæmt staðfestri skipulagsskrá, nr. 145/1994 og nr. 144/1994 eftir því sem við á.

### Fjármögnun.

#### 9. gr.

Tekjur Fræðslunets Austurlands eru eftirfarandi: Framlög aðila FNA samkvæmt samningum við þá, framlög fyrirtækja og samtaka, opinber framlög og þjónustutekjur.

#### 10. gr.

Skipulagsskrá þessari verður aðeins breytt með samþykki 2/3 hluta stjórnar. Skulu breytingar hljóta staðfestingu dómsmálaráðherra.

FNA verður aðeins slitið með ákvörðun 2/3 hluta stjórnar.

Verði starfsemi Fræðslunets Austurlands hætt og það lagt niður skal eigum þess varið til eflingar háskóla- og símenntunar á Austurlandi. Samband sveitarfélaga í Austurlandskjördæmi fer með þá ráðagjörð.

Leita skal staðfestingar dómsmálaráðherra á skipulagsskrá þessari.

Neskaupstað, Reykjavík, Hvanneyri, Höfn, Egilsstöðum 30. október 1998.

Skipulagsskrá þessi staðfestist hér með samkvæmt lögum um sjóði og stofnanir sem starfa samkvæmt staðfestri skipulagsskrá, nr. 19/1988.

*Dóms- og kirkjumálaráðuneytinu, 24. febrúar 1999.*

F. h. r.

**Björn Friðfinnsson.**

*Fanney Óskarsdóttir.*

4. mars 1999

Nr. 146

## AUGLÝSING

### um breytt deiliskipulag á lóð Setbergsskóla, Hafnarfirði.

Samkvæmt skipulags- og byggingarlögum nr. 73/1997 samþykkti bæjarstjórn Hafnarfjarðar þann 9. febrúar 1999 breytingu á deiliskipulagi á lóð Setbergsskóla við Hlíðarberg, dags. 26. október 1998, breytt 5. febrúar 1999.

Í breytingunni felst að byggðar eru eins til tveggja hæða viðbyggingar við núverandi skólabyggingu á þremur stöðum. Jafnframt er reiknað með staðsetningu þriggja færanlegra kennslustofa og byggingu fyrir íþróttir á lóðinni.

Uppdráttur með greinargerð hefur hlotið þá meðferð sem skipulags- og byggingarlög mæla fyrir um.

Breytingin öðlast þegar gildi. Jafnframt falla úr gildi, samsvarandi svæði tveggja áður samþykktu deiliskipulaga: deiliskipulag miðhverfis Setbergs, samþ. 30. desember 1993 og deiliskipulag Stekkjarhrauns – útivistarsvæðis, samþ. 20. febrúar 1995.

*Hafnarfirði, 4. mars 1999.*

Bæjarstjóri Hafnarfjarðar,

**Magnús Gunnarsson.**